

AIA umum dua pelan kesihatan, perubatan baharu

KUALA LUMPUR: AIA Malaysia (AIA) mengumumkan dua pelan kesihatan dan perubatan komprehensif baharu, *A-Life Beyond Critical Care* dan *A-Plus Total Health* dalam mengembangkan portfolio penyelesaian kesihatannya.

A-Life Beyond Critical Care adalah pelan penyakit kritikal pertama AIA yang melindungi 180 penyakit dengan menawarkan perlindungan penyakit kritikal hujung ke hujung.

A-Plus Total Health pula adalah pelan kesihatan takaful yang bertindak sebagai penyelesaian kesihatan sehenti buat seisi keluarga yang membolehkan para pelanggan melindungi sehingga enam orang ahli keluarga di bawah satu pelan yang sama.

Kedua-dua pelan tersebut menyokong kesihatan para pelanggan secara menyeluruh dari peringkat pencegahan dan pengesanan awal melalui *AIA Vitality* dan pemeriksaan



DARI kiri, Ketua Pegawai Eksekutif AIA Public Takaful Bhd., Elmie Aman Najas; Ben Ng dan Ketua Pegawai Pemasaran AIA Bhd. Heng Zee Wang melancarkan pelan kesihatan dan perubatan baharu AIA di Kuala Lumpur, semalam.

kesihatan sehingga peringkat rawatan dan pemulihan untuk memastikan mereka sentiasa mendapat akses kepada penjagaan yang berkualiti.

Ketua Pegawai Eksekutif AIA

Berhad, Ben Ng berkata, dengan ketidakpastian yang berlaku berikutan pandemik yang berlarutan serta peningkatan jumlah masalah kesihatan dan penyakit kritikal yang dihadapi oleh rakyat

Malaysia, ia kini menjadi lebih penting untuk mengutamakan kesemua aspek kesihatan.

"Pelancaran *A-Life Beyond Critical Care* dan *A-Plus Total Health* adalah kesinambungan

usaha kami di AIA untuk memastikan rakyat Malaysia mempunyai akses kepada penyelesaian yang mencegah, melindungi dan menyokong perjalanan kesihatan mereka.

"Penambahan produk terbaharu kepada portfolio penyelesaian kesihatan menyeluruh telah dibangunkan berdasarkan pemahaman mendalam mengenai keperluan dan kehendak perlindungan kesihatan dan perubatan para pelanggan," katanya dalam satu kenyataan.

Walau bagaimanapun, ujarnya, kesedaran ketara terhadap kepentingan kesihatan dalam kalangan rakyat Malaysia mula meningkat berikutan penularan wabak Covid-19.

"Satu tinjauan yang dijalankan oleh AIA baru-baru ini sewaktu Perintah Kawalan Pergerakan (PKP) menunjukkan lebih ramai menunjukkan minat untuk mempertingkatkan tahap kesihatan mereka," katanya.